




*Kamis 05 Nopember 2020*  
**Ogen: Jeremia 37 : 1-10**



Dibata La Terbuali



Jeremia sekalak Nabi si pang ngerana mandang Raja adi la payo sinilakokenna. Ia erdahin i Istana raja selaku wakil Dibata. Ipesehna pasu pasu i bas Dibata nari janah pang ka ia meseh hukuman tupung hukuman e si perlu ipeseh man raja ras pegawaina kerina. Tupung Raja Sedekia ngantiken raja Joyakin, ia ras pegawai pegawaina sada pe la nggit ngelakoken kai sinikataken Tuhan. Emaka nabi Jeremia ngerana ia kerna pengalamenna kerna kejadiin si idahna jine alu tangkas. Tupung Jeremia lenga ipenjaraken iturikenna me kejadiin enda man Sedekia. Kerna perang ras tentara Babilon si atena enciluk kuta ras mperebutkensa, Tuhan la terbuali kata enda arus ipeseh dengen ula ikataken raja maka bangsa Babilon lanai reh. Sabap tangkas kel ikataken Jeremia maka bangsa Babilon reh denga dengen nerang bangsa enda nciluk ras ngerebutsa mulihi. Ertina adi enggo Tuhan si ngerana bage arah nabiNa la banci lang sie pasti jadi. La tertutup-tutupi ras Dibata la perbah banci ibuali. Engkai maka bangsa Israel talu i tan negara Babil musuh Israel padahal bangsa Israel eme bangsa pilihan Tuhan. Tentu si enda me labo banci ise metehsa kai rencana Tuhan bas geluhta. Si enda banci jadi erkiteken proses si erbahan bangsa Israel la meganjang ukur. Renungenta ngajuk gelah pang ngerana mandang si lepak. Ula sinik adi ilebe matanta lit jadi si la mehuli, la payo. Adi enggo bage ipadanken Dibata jadi bas kegeluhenta ngasup kita ngalokensa tapi arus min kita megenggeng, mata Tuhan la pernah tutup ngidah perbeben si jadi bas geluhta, emaka ula medu tetaplah megenggeng ngalakensa. I bas muat keputusan siksik lebe maka tindes gelah ulihna pe si mehuli sialoken. Ugapa pe hebatna kita i bas doni enda Dibata la pernah banci si buali sabap ieteh Dibata kerina kai sli lit i bas pusuhta si mbagesna. Dibata tetap ngidah pusuhta.